


貴州志稿



桂老尊鑿昨承

再查初白集中亦有點中法又改不達桂未片兩八
集六之五及廿九
子前已集一
一查

程駕似後極

著事品得共大概如別依所書聊補

本考啟 寓所為黃中正壽詩冊中有陳定有詩付

多點中康熙時仲士宮昭揚車

公閱原去登一 為慶去日 並奉 徽寺牛印後
道安 鄉晚生 通 祥 恕 十七日

黔名開闢考之清又為清士難 列之曾於著有翠屏

寄官訪所館史陽潘氏七世皆有詩集其也卷中眉批之

孝子黃德仁送新人嘉慶庚申年人戊辰進士官西甯公具

以父老改教授于海貴山平院賀親庚申也與鄭子尹皆

稱之 所考及以辛竹亭年廿世父名鳳翽 舉人

此功法各臣考中之沈翼樞康熙丁酉貴州學政歲及奉祝大中一
黃公壽序及沈所作此也其居亦似有令人抄副本不必定錄也

黔省開闢考

潘文茂

昔禹定九州黔為荆梁之邊陲同三吳楚蜀皆未得通中國
 黔尤鄙遠開闢最後於商曰鬼方於周曰靡莫戰國時楚將
 莊躋略地至於且蘭始附楚張儀欲以商於易黔中即其地
 楚滅併於秦為黔中郡黔之名始於是乎見漢武帝元鼎六
 年平西南彝置牂牁越雋武陵四郡捷為隸蜀越雋隸
 滇武陵隸楚牂牁則黔地也蓋以牂牁江得名云晉益興古
 郡其地即今之安順府隋為巴東黔安清江明陽四郡唐貞
 觀十六年拓其地置牂彝播珍等州屬黔中劍南二道採訪
 黔省開闢考

黔之名始于秦

黔稱貴州始
于宋

置宣慰司始
于元

使其時所謂黔中者皆思南思州黎平鎮遠都勻石阡之附
 近楚蜀者貴陽不與焉五代時楚王馬殷遣八姓帥率邕管
 柳州討兩江溪洞畱兵戍之遂各分據號八番是為今之定
 番州宋至道三年分隸荆湖劍南之三路宣和元年以田佑
 恭加貴州防禦使嘉定庚午以宋永高陞貴州經略安撫使
 至今黔稱貴州實本於此元憲宗時於天內附至元十六年
 西南八番羅氏等國亦內附置八番羅甸等處宣慰司以蒙
 古人為元帥置府貴州彈壓之十七年大兵討羅氏鬼國十
 九年以降彝八番金筑百萬皆為郡縣置順元路金筑府



置貴州衛

置永寧衛

置黃平所

置普定衛

置烏撒衛

築貴州省城
設都指揮司

領其事二十年。討平九溪十八洞。並置郡縣。立總管府。俱聽順元路宣慰司節制。其時。聞設流官。實同羈縻。無城郭田賦之制。無鄉會賓興之典。猶然荒服陋區也。明初。分隸滇楚西蜀三省。洪武四年。蠻長密定等舉土來附。置貴州衛。五年。命江陰吳良等平古州等蠻。是年。置永寧衛。八年。置黃平所。十年。命安陸侯吳復討普定。阿買寨十四年。命穎國公傅友德為征南將軍。征討雲南。還定貴州之普定。烏撒等處。置普定。烏撒兩衛。十五年。開設屯堡。築貴州省城。設貴州都指揮使司。領各衛。所以重臣汝南侯權其事。卒。以平涼侯費聚署理。黔省開闢考

二

置普定軍民府

置都勻安撫司

置永寧州

改設安順州

置畢節衛

是時紀綱初定。十六年。置普定軍民府。置都勻安撫司。置永寧州。改習安州為安順州。置畢節衛。十八年。思州苗叛。命信國公湯和為征虜將軍。周德興副之。帥師從楚王名楨洪武之子平其地。洞蠻吳面兒寇古州。復命信國公從楚王勦平。詔楚王還國。十九年春。兼興侯耿炳文偕穎國公傅友德帥師討雲貴諸蠻。夏六月。穎國公討平平。越麻哈。二十年。靖寧侯葉昇。普定侯陳桓。討東川普定諸蠻。平之。勅諭屯田於畢節等衛。二十一年。東川蠻復畔。以西平侯沐英。普定侯陳桓。俱副征南將軍穎國公帥師平之。仍命普定侯屯田畢節。宋國公

屯田

馮勝鎮永寧。二十二年，狼洞黃平苗叛。穎國公移師討平之。置赤水興隆安莊三衛。平普旦阿資馬乃置普市所。二十三年，命延安侯勝宗討平貴州叛苗。置新添龍里威清安南平壩清平六衛。改都勻安撫司為都勻衛。二十四年，鑿永寧河。二十五年，命越雋侯俞通淵征古州洞蠻。命都督王成通貴州道路。二十八年，貴州蠻阿榜曹寧等司叛。守將夏國公顧成討平。置貴州前衛。三十年、三十一年，分命夏國公顧成討水西楚王。楨湘王柏討古州。都督楊文討清平黔陽平羗將軍何福擒永寧蠻十八加如。討畢節都勻進征五開諸蠻。悉黔省開闢考。

三

平永樂成祖即十一年，叛苗田琛通鑑作田琛田宗鼎伏誅。罷羅

甸宣慰司。置思州新化黎平思南鎮遠石阡銅仁烏羅八府。

設貴州布政使司始於明永樂時設貴州布政使司二月辛亥始貴州於是始為專省。八月

改設普安州始於明永樂時達侯顧成討思補十二年正月庚寅思州苗平。十三年，改普安安撫司為州。

十八年，設貴州提刑按察司。洪熙仁元年，令貴州就試湖廣。

宣德宣元年，詔定雲貴兩省鄉試。補宣德八年，總兵官都督

正統英元年，以木瓜麻嚮大華割屬金筑。三年，設安順州流

官。補四年，總兵官蕭授。四年，始命右副都御史丁璿巡撫貴

州。六年，添設屯田副使。九年，置施秉縣。十二年，增雲貴解額。

設屯田副使
置施秉縣

設貴州巡撫

貴州就試湖廣
定雲貴鄉試

設貴州按察司亦
始於明永樂時

改設普安州

設貴州布政使司
始於明永樂時

五名。十四年，邛水草塘爛土凱口諸苗叛。陷思州都勻石阡黃平思南等衛府。總督侯璉率同副總兵官方瑛討平。四年十二月王驥為平蠻將軍。景泰元年。三月保定伯梁瑄充總兵官討貴州叛苗。五月侍郎侯璉副總兵田禮大破貴州苗。七月尚書侯璉參將方瑛破貴州苗擒其酋獻京師。苗賊韋同烈叛。據清平之香爐山。命保定伯梁瑄督征。九月撫河南副都御史王來總督湖廣貴州軍務討叛苗。二年，韋同烈伏誅。四月梁瑄王來師京是年始專設巡撫。七月普定永寧畢節諸苗復叛。梁諸苗復叛。梁瑄王來討之。五年。七年定雲貴鄉試三十名。天方瑛破草塘苗封瑛南和伯。順英宗復元年大壩山都掌蠻叛。三年南和侯成化宗二黔省開闢考

年兵部尚書程信督川湖雲貴四省兵討平打罕州土蠻韋阿禮叛。調泗成兵會勦平之。四年增雲貴鄉試解額十名。八年裁巡撫。十年置程番府。增雲貴鄉試解額五名。十一年復設巡撫。宏治宗四年爛土蠻叛。五年副都御史鄧廷贊率師討爛土蠻。六年置都勻府。改印江司為縣。八年置麻哈獨山二州。清平永從二縣。增雲貴鄉試解額五名。十一年普安彝婦米魯叛。執太監楊友。右布司閻鉦死之。置鎮遠縣。十六年南戶部尚書王軾討米魯平之。正德宗二年裁巡撫。五年定雲貴鄉試解額五十五人。是年復設巡撫。六年平江津賊方

貴州鄉試開科
本省之始

四八年平臥龍司賊王倫。十一年討香爐山叛苗不克。十二年
年湖貴合師討平。十四年芒彝寇永寧嘉靖世四年參將何
卿平之。六年芒彝復叛。仍以副總兵何卿討平之。十三年遷
中左所于香爐山。十四年定貴州鄉試解額二十五人。開科
本省節勞損費向學者日益多。思南田秋之力也。十六年都
勻苗叛。十九年金石司苗叛。二十一年鎮鎮苗叛。陷石阡府。
執推官鄧本中。官軍前後討平。二十五年增貴州解額五名。
二十七年羅番龍受祖叛。苗賊龍許保陷印江縣。二十九年
銅仁苗陷思州。知府李允簡死之。三十年置銅仁撫苗通判。
黔省開闢考

設貴陽府之始

三十一年平金筑叛苗阿季。是年設湖川貴總督駐沅州節
制三省。隆慶穆元年改程番府為貴陽府。益以金筑平伐。二
司徒治省城首郡。既設規模冠冕矣。萬曆神三年平者芽苗立

置定番州之始

宣威營十四年。以程番府舊治置定番州。十九年置新貴縣。
二十四年遷貴陽府學於北關。二十六年置銅仁縣。二十七

遷貴陽府學於
北關
置銅仁縣

年皮林蠻叛。播賊寇平越。殺都司等官。復寇東坡。寇龍泉。寇
烏江。參將以下多死之。賜總督李化龍劍。令便宜從事。二十

討楊應龍
設平越府
設遵義府

八年貴撫郭子章及督臣李化龍。湖撫支可大。誓師討播楊
應龍。縊死。餘黨悉平。以其地設平越遵義兩府。湄潭。甯安等

遵義府轄遵義
綏陽正安仁懷五縣
隸于蜀

改安順州為軍
民府
改水德司為安
化縣

置廣順州

安邦彥圍貴陽

十縣。遵義府轄遵義綏陽正安仁懷五縣隸於蜀。平越府轄
黔二十九。年貴撫郭子章如鎮遠會楚師粵師協勦皮林三
十年改安順州為軍民府三十一年奢氏續叛三十二年奢
賊平改水德司為安化縣詔征西路水銀山等苗三十四年
征東路苗三十七年紅苗陷印江縣典史邵士元死之三十
九年置廣順州四十二年加貴州廣額二名四十四年平定
番狝苗天啓二年春二月水西羅鬼安邦彥叛圍貴陽總督
張我續督兵來援十二月圍解城中餓斃者過半苗獮之害
黔省開闢考

于茲最酷三年進師六廣偏裨以下姚盱等二十七人死之

紅夷據澎湖貴州官軍三路進討水西副總兵劉超敗績於
陸廣河是年十月王三善勦水西屢破賊至大方

四年巡撫王三善督戰為逆賊陳其愚詐降遇害正月王三
善自大方

旋師遇伏同時死者參將以下百二十餘人御史傅宗龍疏
被執死之

請赴黔討賊詔命以巡按監軍安邦彥犯普定右參政陸夢
龍督總兵黃鉞以三千人禦

之直前薄賊賊大敗三山苗叛思州告急夢龍夜遣中軍吳
家相進搗賊巢搗苗鼓聲振山谷苗大奔潰焚其巢而還

五年巡按傅宗龍擒其愚誅之進師鴨池河敗績總兵魯欽

沒於戰正月總理魯欽劉超自織金旋師為賊所襲諸營兵
潰三月朱燮元總督雲貴川湖廣西軍務討安邦彥

六年進師至揚家海不克崇禎元年川貴合師會勦總兵

置開州
設敷勇衛
設鎮西衛

官侯良柱許成名斬安邦彥於永寧。二年建上衛連雲等十
一城。詔命貴州四川雲南合兵討水西餘黨。三年安賊乞撫
疏聞許之。四年置開州。設敷勇鎮西二衛。修文熄烽赫聲濯
靈于襄威武定南柔遠。詰戎等九所。十五年增貴州鄉試二
名。十六年即宣慰司舊學基修新貴縣學。開州狎苗叛。陷州
城。知州黃嘉嵩死之。終明之世。叛復不常。大小百十餘。征討
開地十郡。州縣二十有一。衛十八。所十。戶九。遂為十三省之
一。至我

本朝

德威所及。無遠不服。

黔省開闢考

七

世祖章皇帝

順治十五年命經略洪承疇率師取貴州。十六年定鄉試額數十

置普安縣

七年通黃平水運。馬乃苗叛。平其地。置普安縣。

聖祖仁皇帝

安坤叛

康熙三年水西羅鬼安坤叛。命吳三桂討平之。以其地水西為黔

設黔西府大定
府平遠府威寧

西府。比喇為平遠府。大方為大定府。烏撒為威寧府。烏撒衛

平郎苗

仍其舊。五年平郎苗。誅隴安藩。十一年改龍里。平越。清平。都

改設龍里縣平
越縣清平縣都
勻縣

勻。四衛為縣。裁安莊衛。歸鎮寧州。裁黃平所。歸黃平州。裁新

平所。歸普安縣。十二年廣順州苗變。殺吏目蔣士璘。二十二

改設黔西州平遠
州割湖廣鎮遠
偏橋二衛歸黔

改設貴筑縣
改設修文縣

改設清鎮縣
改設安平縣
改設安南縣

年改黔西平遠二府為州。割湖廣鎮遠偏橋二衛歸黔。二十
五年徙土司韋有倫等以其地入永從縣。二十六年改貴前
二衛為貴筑縣。敷勇衛為修文縣。以修文濯靈熄烽于襄四
所益其地。裁新添衛歸竝貴定縣。隸於貴陽。改威清鎮西二
衛為清鎮縣。益以赫聲威武二所。改平壩衛為安平縣。益以
柔遠所。改安南衛為安南縣。裁普安衛歸竝普安州。裁定南
所歸竝普定縣。裁安籠所歸竝南籠廳。隸於安順。改大定府
為州。改永寧畢節二衛為縣。裁普市所歸永寧。裁赤水衛歸
畢節。裁烏撒衛歸威寧。俱隸威寧府。裁興隆衛歸黃平州。隸
黔省。開闢考

八

平越府三十四年竝新貴縣於貴筑。

世宗憲皇帝

改湖廣玉屏清溪天柱開泰錦屏五縣隸黔

雍正二年

改湖廣玉屏清溪天柱開泰錦屏五縣隸黔。三年巡撫
毛文銓討定番叛蠻擒賊首阿匠斬之。四年威寧鎮總兵官

石禮哈帥師討定廣蠻。五年討古州郎岱朱牛鄭旦生苗。設

古州兵備道。古州理苗同知。清水理苗同知。清江理苗通判。

郎岱同知。置永豐州。置荔波縣。改東路由柳楊駙達楚。改遵

義合屬隸貴州。八年改南路。越鐵鎖橋。由普安州達滇。十年

古州逆苗復叛。巡撫元展成發兵勦捕。傷副將以下十餘人。

設古州兵備道古州
理苗同知清水理苗
同知清江理苗通判
郎岱同知置永豐
州置荔波縣
改東路由柳楊駙達
楚改南路由普安
達滇
改遵義合屬隸黔

署提督鶴麗鎮總兵官討平之。提督哈元生至自京。平其餘黨十三年。古州苗陷黃平清平等州縣。

世宗憲皇帝下詔罪己。經略張公帥川湖貴粵滇五省兵討平。斬首萬餘。進張公總督。設古州鎮總兵官。清江協副總兵官。鎮其地千百年苗患。至是一靖。守其土者。總督暨監司大員外。設貴陽安順十三郡太守。定番等處十四州刺史。貴筑貴定三十三縣邑令。科取士四十四人。登進士者十二三名不等。聲名文物埒於中州矣。

論曰。黔處萬山中。土不厚於西北。財不富於東南。而其地則黔省開闢考

在所必開。三代以前。詩懲荆舒。何有於黔。周末吳楚爭盟中。夏黔日內近。漢高龍飛吳楚之間。而其財賦又十倍於他郡。國黔實隣之。臥側鼻酣。何啻安吾民於衽席。况捷為越。雋牂牁皆古西南彝犬牙相錯。滇無黔則扼其吭。蜀無黔則掣其肘。一隅之不靖。聖天子之憂也。此歷代所為羈縻畜之前明百戰闢之我。

朝禮樂征伐。多方定之。不則竭其土之所納。不足以供本土之用。歲糜協餉。動餘萬計。其何利於黔。而闢之者。惟是闢之非難。撫之為難。未闢則化外之彝也。既闢而生聚吾民於其地。

不爲之策其萬全。是何異搗羣虎之巢而置吾赤子於其穴。何不爲之爭食也。安會自濟。火爲功于蜀代。封重爵。雄長諸蠻播賊。自楊端應募平南。詔世襲唐職。閱五代。宋元至明。橫踞播珍。誠所謂夜郎自大。餘苗類皆野性難馴。罔知法紀。一旦削其土地。治以流官。虎視眈眈。俟隙而動。違顧問哉。前明盛時。於鎮遠黎平各要害。皆設兵戍之。正統中以麓川之役。撤回戍兵。諸苗遂得深入。陷沒我城池。殺戮我官民。終明之世。叛服不常。苗性固難馴。亦謀國者之疎也。周書曰。國無三年之蓄者亡。蘇秦說趙。稱其粟支十年。明天啓中。安會叛圍黔省。開闢考

十

貴陽未匝一載。而城中餓斃者過半。有備無患之謂何。遂至坐困若此。今黔無不闕之地。無不化之苗。古州清江皆設重鎮。仰見

朝廷碩畫。遠過前明。其熟苗之在我肘腋間者。徐徐化導。廣儲天庾。以圖久安。長治之術。將見風氣日厚。富庶有加。枕滇帶蜀。可作屏藩。金錫丹砂。足資國用。亦西南一大要都也。安得深謀遠慮。仰體

國恩。盡如今之賢執事者。

躡強入声字棠莊
躡楚之大盜也
祥柯音臧歌

黔省功德名臣考

潘文芳



讀黔志莊躡楚莊王裔也。因王滇通黔中者實自躡始。漢唐蒙因賈人得知夜郎即臨祥柯江江廣百餘步能行船上書稱通夜郎可得精兵十萬由江出不意足以破越許之遂見夜郎侯諭以威德為置吏黔由是得通中國之二子者不可謂無功於黔也。蜀漢武鄉侯亮征滇蠻孟獲於黔無與五月渡瀘亦未聞假道於黔黔名宦志之至今黔地多傳孔明墳孔明藏甲洞諸古跡祠祀者不一其處鎮苗輔漢咸藉流風則雖稱黔名宦也亦可。唐德宗時南承嗣為清江太守多惠黔省功德名臣考

政供其父南將軍像於署明初顯聖八番黔人肖像祀之是為今之黑神巡撫王憲請入祀典忠孝感格祖父為之臨保紀之志乘宜哉。明初開黔功臣則黔寧王沐英穎國公傅友德黔國公吳復夏國公顧成江國公吳良信國公湯和涼國公藍玉靖寧侯葉昇普定侯陳桓越雋侯俞通淵安慶侯仇成征蠻將軍楊文平羗將軍何福是皆披荆棘臨虎穴沐風櫛霧大有功於我黔按其功則尤以穎國為最黔今得樂土而居之矣當明之初關無高城深池之衛苗獠出入其何以固吾圉都指揮馬華請建會城而民居始定永樂中設布政

使居然專省。其地尚多隸於楚蜀。會城亦未置守。地小則力薄。力薄則苗獠易叛。官缺則事廢。事廢則民寃。不理撫臣。杜拯有十愆之疏。始改程番府爲貴陽首郡。餘格部議。後皆卒如公言。迄今讀其全疏。如見公之生平。而名宦不載。抑獨何歟。朱家民修鐵鎖橋。而滇路通。曹震開永寧河。而蜀道關。劉大直延工教紡。而民知織。李睿增修學舍。而民興教。頒樂器以崇祀典。功出蕭儼。抗丹砂以甦民困。陳堯最著。至歙州江公東之爲巡撫。則百廢俱舉。造士置右文田。重民置備賑田。體恤卒伍。置恤軍田。矜孤寡。憐廢疾。置恤隱局。惠藥局等田。黔省功德名臣考

推及愛物。置遞馬谷田。甲秀樓黔之巨觀也。皆公修之。志稱黔撫當首屈公。信然。維時應公朝卿。巡按貴州。捐贖佐公。置以上諸田。巡按客官耳。亦復能此。謂非志在生民。爲當世之矯矯者歟。繼江公撫黔者。當難其人。青螺郭公子章繼之。德望經濟。尤爲卓越。殆集明撫諸賢之大成。撫黔十載。事功非另傳。難以殫述。于設官定界一疏。概其知於化民成俗一疏。概其仁於平播賊討皮林。概其勇黔記一書。網羅百代。後之修志者。宗之。尤見苦心。功成請養。疏凡九上。始得允。殆又有明一代之完人也。黔理學之傳。接統於陽明。黔士大夫至今

俎豆之微學使席公名書者敦請至省主文明書院以訓誨諸士子則陽明亦龍場一駟吏耳席公之功當與文成等嗣是官於黔如徐公樾胡公堯時輩皆常師事陽明徐公時爲貴州提學以昌明理學爲己任雖苗民子弟皆得衣冠聽講嘗謂此理無古今無中外苟有以興起之無不可化胡公則貴州按察使每稱職司刑名當先教化修陽明書院梓陽明文陽明之學於是益明阮公用和隆慶四年撫黔時馮公成能爲廉使與馬心齋滕少松諸公講學黔中阮公樂其同志會議陽明舊祠狹隘不足以容諸生移建於軍門前之左側黔省功德名臣考

買民居益其地規模最擴後皆因之爲造就人才之所成化時廉使錢公越參議吳公倬類皆能振興學校錢公制樂器增學舍設社學吳公置學田置站軍田宏治中伯通吳公爲按察使尚德緩刑以黔疆新闢教化尤要時進諸生講明經義至今黔地人才埒於中州諸公之力居多禦災捍患重於祀典都掌蠻劇賊也程公信勸之香爐山凶苗也鄒公文盛平之智如陰子淑擒叛苗於談笑之中勇如郭成殲賊首於窩巢之內蔡潮誓死以保孤城王鑑之仗節而服強虜徐問鄧廷王來王軾天祥諸公皆能威振南彝除苗患以福我邊

疆孔公鏞威信特傳民到於今稱之昔爲太守曾以單騎服
賊諸蠻聞公撫黔皆氣奪時有清平苗阿溪多智養子阿刺
多力相資爲害而時以金帛給上官左右王指揮爲之用幾
成大患公至不動聲色卽以其用人王指揮授計擒之阿刺
被隸嘆謂吾不畏千人畏一孔公但不知成擒如是之易耳
刺死一境皆安惜其事不多概見又有陳公儼宋公欽者陳
公景泰進士爲貴州巡撫先德後威西堡苗梗化親臨其寨
諭之負固者躬擐甲胄勸之終公之任苗民不敢爲害以儒
生而壯疆場偉人哉志紀宋公殊落落然苗民相戒勿犯足
照省功德名臣考

知威信吾撫署形勝甲天下考之題名碑記實公所移建明
作有爲殆又於茲可想王三善不納尹伸之言致令全軍覆
沒朱燮元不剖李中行之寃幾使會城不守苗保之害匪輕
諸公之澤又何可忘耶科目者達道之階開科本省思南田
公之力也巡按王公名杏者同時上其事不無其力撫臣王
公學益林公喬相郭公子章布政蕭儼巡按薛公繼茂先後
疏請增額俱得允行自是名人輩出林公疏稱以人事君大
臣之道固自當爾詩曰古之人無斲士斯譽髦不溯其所自
來沒前賢之苦心士大夫之過也至我

本朝名賢踵至。如舜代之五人。夏益成周之十亂。黔至明季中。葉城圍於安會。地陷於流寇。繼以吳逆僭竊。苛政百出。層湯疊火。民艱莫狀。

列聖憂之。故簡任多海內名人。卞公入境。首賑饑民。上書待罪。曹公下車。先除虐稅。敷陳欲泣。趙公有興教之疏。佟公有安邊之請。甘公題禁協夫。民得歸農。矣慕公請撥協餉。卒能安伍矣。楊公緝陽明書院於將墜之餘。田公衛公繼之。學校大振。卞公名三元。趙公名廷臣。皆由黔撫節制兩省。甘公則制憲城南。忠烈卽其祠。曹公名申吉。楊公名雍。建慕公名天顏。田黔省功德名臣考。

五

公名雯。衛公名旣齊。皆黔撫。此其大畧也。宣化閣公興邦撫黔。凡所設施。類皆宜民。見之奏章者。題廣額表精忠。除積弊。肅邊防。按諸志乘。黔事多所建白。父老稱其重士愛民恤兵。寬大有為。視閭閻疾苦如切己。膚康熙庚子。金撫軍欲改其祠為迎送之所。為士民力訴得寢。詩云有斐君子不可護兮。其公之謂歟。海寧陳公吾猶及見其事。公名銑。興利除弊。常若不及。公又富於財。足敷所用。以黔兵苦廬舍多茅屋。易火延及民居。戊寅癸未兩歲。會城焚毀幾盡。捐兩標營房數千間。常稱黔地山川明秀。建置未盡合法。某山脉錯。其士不達。

今初時聞
公者劉龍門繼之亦如郭青螺之繼江歙州其擔當負荷直
空從前公名蔭樞政持大體與民休息遇大事敢為西征策
旺例當協餉公疏黔瘠苦狀得免永寧為滇黔蜀界壤年羹
堯屢拘苗犯不得大其辭請勅
初年數一難民
赴貴州鳴冤有
科舉內生國欽
無可控告雍正
遠地方官任意
一有偏川者甚
父母官也哉
今初時聞

欽差會勘三省制撫成在公曰此鼠竊吾為公致之
差官役各一
人苗民畏公威信立即赴轅待罪公據其情入告事遂寢撫
黔十餘載創建修補遍地甘棠於公皆為末節公秦人其鄉
黔省功德名臣考
六

某水直無畜其民易貧改北門之城更通楚之路城成橋工
未竣公調劇湖北一時士民如失慈父母咸慮無復有能繼
公者劉龍門繼之亦如郭青螺之繼江歙州其擔當負荷直
空從前公名蔭樞政持大體與民休息遇大事敢為西征策
旺例當協餉公疏黔瘠苦狀得免永寧為滇黔蜀界壤年羹
堯屢拘苗犯不得大其辭請勅

欽差會勘三省制撫成在公曰此鼠竊吾為公致之
差官役各一
人苗民畏公威信立即赴轅待罪公據其情入告事遂寢撫
黔十餘載創建修補遍地甘棠於公皆為末節公秦人其鄉
黔省功德名臣考
六

行與官聲等陝撫陳公請祀鄉賢而我黔名宦缺焉伊誰之
責山左何公名儒也知不自用朔聖必謁聖升明倫堂與諸
生講明朱程之理同日起講約所進父老而與之言所在問
歷任善政蓋將大有造於黔未幾奉詔還京黔人思公賑饑
修學建橋愛民諸惠政不置君子惜其功之未竟焉高公其
倬以靜鎮節制兩省士民陰其福鄂公爾泰改土歸流平定
諸蠻辛勤十載功在百世士卒疲於征伐議者或疵其紛更
詎知養賊如護癰潰不可救前明安會之叛幾危省城鑒戒
不遠君子之所為眾人固不識也提學中能以道德文章造

就士子者。則有張旣亭。孫莪山。沈西園。張匠門諸公。昔黔以小省學使。多係道銜。受制督撫。操守清於請託。劉公某不得行其志。拂衣而去。自旣亭張公始。以翰林視學黔中。風采峻厲。雖權重如王宛平。莫敢誰何。從前積滯揀拔一空。以黔地艱於購書。刻勵學齋。竝古今文集至今。多士賴之。孫莪山名襄。慨然有繼續陽明之志。與劉龍門同時相得。甚雅拔諸生百餘人於陽明書院。膏火取辦於龍門。造就則公力任之。每出巡回。輒寢食其間。與諸生講學不倦。雖抱病亦不少懈。曰吾若死。當埋陽明左右。其任重道遠。有如此者。西園沈公名黔。首功德名臣考。

翼機視人才風氣。皆吾分內事。於試童子尤加慎。嘗謂諸生已為學校中人。童子能文。額於數。不加獎勵。或以貧改而他圖。後雖欲振拔。無由節孝。則隨所至。為採訪親書匾字。進其子若孫。勞之酒而拜贈之。神鼓舞善。維持有功於世道。不小匠門張公。江南十才子之一也。名大受。提學黔省時。書院久廢。又無同志。如劉龍門者。公自任之。膏火悉出清俸。所拔士或貧而授徒。如其館穀。與之制憲高公。其倬滇藩李公。衛皆遣人捐千金為公助德。信不孤。公之望重為何如。今撫軍張公名廣泗。布政則陳公德榮。兩君子相與有成。張公揮擴聖

廟置樂器祭器。請改提學於南關。以舊署益棘闌。修明遠樓。增號舍。陳公覓工師。教民組織。修北城外郭。創三城樓於其上。內城舊建閣於東子城。祀文昌。建祠於北子城。祀立帝。各如其位。皆重有關於民社。將圮。公俱新之。適聞張公現在委。負查都勻河。陳公又將修次南門橋。完海寧未竟之功。闢雲。厓洞爲觀。瀾兩君子造福黔疆。無時少暇。吾又烏乎窺其所。至哉。

論曰。九州無禹。一水窟。無稷。則阻飢無契。且近禽獸。有數大。聖人者出。而其地遂重。重以人。非重以地也。黔在宋元以前。黔省功德名臣考

八

深林密菁。久爲虎豹豺狼之所居。苗犛彝獠之所踞。千百年來。視若廢壤。關於前明。揮濶於我。

大清聲名文物。遂與中州鼎盛。微司土諸君子。懋德懋功。曷克逮此。記曰。非有功德於民者。不祀。則有功德於民者。之宜祀可知也。考之志乘。有明諸公。事久論定。類皆請祀廟庭。我朝方興未艾。公道在人。余故表而著之。尊先型。範來茲。竊向往。且以備他日賢執政之入告焉。

城城數千言敘次歷落斷制分明非熟于史筆未易臻此

後學芸菴李爲識

全黔苗徠種類風俗考

潘文芮



牂牁未闢其先為苗徠雜處種類各別風俗固殊焉未入版圖採風者不之問也志稱有虞氏伐三苗高宗伐鬼方史固
有之未詳其說漢武帝定西南夷以其地為牂牁郡仍以其
人官其地故種類風俗多不可考蜀漢濟火從征孟獲封羅
甸國王則安慰宣之遠祖也唐普露始率其九郡入貢逮宋
普貴納土得賜爵至元而阿畫又以軍功授昭勇大將軍世
襲宣慰司加羅甸侯奉朝廷正朔然不納貢朝廷以化外置
之故其種類風俗亦多不可考明洪武初年阿畫子靄翠與
苗徠種類風俗考

我
蒙古歹各以其地獻明祖大悅仍世其官宣慰司築貴陽省
地命都指揮顧成鎮之浸設流官遷三吳大姓實其地然城
北即宣慰舊城諸苗種類實遍處此故終明之世每多苗患

朝德威所及羣苗向化窮鄉僻壤盡隸版圖其種類風俗班班
可考按其種類則有徠羅狝家犵狓狉獍焚人洞人蠻人八
番楊保龍宋蔡家竝諸苗三十餘種其中以苗名者又凡二
十餘種類在新貴者曰花苗在廣順者曰克孟牯羊在鎮寧
州者曰青苗諸苗之中惟茲四種類多淳樸畏朝廷急輸將

爲主人服役不敢玩。其次則龍里之白苗、思州之短帚苗、貴定之平伐苗、爛土壩之天苗、或顧役、或力作。雖娶葬無禮，夷俗類然。尚無聚眾搶劫，出入爲民害者。紫蓋苗在都勻，則與獨山州之九名九姓苗同其狙詐嗜殺，尤甚。谷蘭苗在定番，性克頑善擊刺，出入必持鎗弩，蠻黨皆畏之。其族氏皆不大繁，故雖克頑嗜殺，猶不至大爲民害。施秉有生苗，銅仁有紅苗，黎平有陽洞羅漢苗，興隆、剗里司有九股苗，偏橋有黑苗。之數種者，克狠狡詐，異於羣苗。時結黨爲大道之患。明季往往嘯聚稱亂，官斯土者非精明強幹，思足以結之，威足以惕苗，裸種類風俗考。

之繩其下不至以糧草差徭荒其業，苦其身異類視之，凌虐其婦女而魚肉其種類，未見能久安而不蠢動者。羅羅卽盧盧，有黑白二種，雜處平大黔威間，黑者爲大姓，白羅羅其奴隸也。俗尚鬼，故又名羅鬼。歷漢唐宋元明，雄長諸苗，最強大。今就衰矣。狝家則貴陽、都勻、鎮寧、普安皆有。環青門左近，雜居民而耕種之，嗜殺喜爲盜，村落牛馬少不謹，卽被盜去。然其性猾而婦人女子又勤於織，富者居多。且盛朝富庶，居民十倍，無復聚眾出劫者矣。狝狝之屬有五種，各以其類不通婚姻，翦頭狝狝，男女咸剪其髮，死則積薪焚之。

猪豕。狔狔。不洗不濯。與犬豕同牢。等犬豕。又何殊焉。打牙。狔。搯其殆。鑿齒之民。與腰間類圍幅布。謂之桶裙。花布者為花。狔。狔。紅布者為紅。狔。狔。貴定。清平。石阡。黎平。古州。往往有之。性固狡。未若狔家之猾。故其人多貧。黔之西南有番子焉。以八番土官長之。服食器用。與漢人同。平其地為定番。一州土人。則歷代遺民也。狔。狔。亦曰楊黃。散其種於都勻。石阡。施秉。龍泉。黎平。龍里。萬山之中。荆壁不塗。門戶不扃。出入以泥封之。婚喪以犬相遺。狔。人即俗所稱。狔。耳子也。男女冠。狔。一片。雖垢不浴。唯普安有之。蠻人隸新衛。丹行二司管轄。性獷戾。苗。獮。種類風俗考。

以丑戌為場。十月朔日為節。洞人則性多忌。喜殺。出入夫婦必隨。在黎平者尤惰於耕。故洪州之盜為最。楊保播州之裔。其黨最繁。明劉璉平其地。設流官守之。為遵義。平越。兩大郡。至今漸化其俗。頗類漢人。又有所謂木老者。性狡悍。善製刀。尚鬼。知長幼之節。馬。鐙。龍。家。狗。耳。龍。家。蓋徒。驪。氏。之。訛。其。種。有。四。善。石。工。好。依。深。山。林。木。凡。茲。羣。苗。種。類。既。雜。居。復。星。散。其。勢。弱。其。力。單。與。居。民。互。處。久。將。漸。化。非。若。生。苗。紅。苗。之。足。慮。也。宋。家。蔡。家。則。楚。子。伐。宋。伐。蔡。遂。竄。夜。郎。帝。王。之。胄。遂。為。九。種。蠻。夷。良。可。悲。夫。不。知。其。類。無。以。善。其。俗。不。知。其。俗。無。以。

數其教。人其人。格其面。明先王之道。以道之。將見用夏變夷。而有苗來格。不難再見於今矣。

苗獮風俗種類考

四

